



于野集卷九

青浦王 原西亭選

江南曲

何默


多。綽。綽。江。頭。柳。春。來。意。若。何。柔。枝。原。易。瘦。不。為。別。離。

去。花。間。喚。起。聲。日。日。憐。春。曙。不。知。檣。頭。烏。已。向。天。邊。

前題

朱霞

思。可。憐。江。南。柳。樹。樹。春。風。吹。長。條。原。易。斷。那。得。比。相。



可憐江南花。最好是儂家。紅牆連十丈。容易夕陽斜。
一自送郎回。銀燈伴明滅。莫上水邊樓。無限江南月。
帆是風所為。儂身那得爾。天際縱然歸。無限江南水。

前題

姬廷謙

鴛鴦溪畔路。楊柳渡頭煙。鎮日無人到。儂家慣採蓮。
不見木蘭舟。但見風裳舉。嬌小不能歌。但共荷花

語。

輕衫試五銖。打槳入重湖。怕有相逢者。仙人騎鯉魚。

謾謾蘋風起。輕橈月下歸。雙鴛棲未穩。起作彩雲飛。

前題

張琳

送郎江水長。望郎不知處。肯學楊柳花。隨風渡江去。

登樓見帆影。天際來翩翩。樵風太無賴。慣送別家船。

可憐雙蝴蝶。同飛復同歇。阿儂不如他。一生花底活。
為語前溪女。盪舟煙水鄉。打魚隨處打。切莫近鴛鴦。

山行訪桂

姚培仁

秋風一夜生。落葉鳴蕭瑟。青青桂樹叢。露濃轉滋液。宵窅發天香。扶疎凝月魄。山中每淹留。坐愛此仙客。凌晨縱遠遊。登山理雙屐。色淨淺翠微。靡靡行徑窄。香空忽然聞。余懷因之適。何處可攀援。尚有深林隔。

前題

葉愚 瞻顏

小山有幽人。不肯塵中住。秋風忽已涼。言尋舊遊路。紆迴徑僅存。曲折溪屢渡。鼻觀來清芬。雲深未知處。定有賞心交。招隱快同賦。月地與雲階。終焉托良晤。

前題

姚培衷

淨洗秋山容。飄然爽巾屨。仙友渺與儔。縱我山遊步。攀躋睽白雲。深林可小住。正坐境地清。忽有香風度。探幽陟其巖。茂翫恍迷路。不得招隱士。行吟桂之樹。

前題

姚廷謙

秋色良佳哉。幽懷誰與吐。晴山正開顏。步步欲回
顧。天香自何來。髣髴月中度。緣蹊不厭深。甘為蒼
耳誤。野芳雖斑斑。終未愜深慕。峰迴境轉清。咫尺
定良晤。恍疑小山人。即在煙深處。

前題

張琳

石磴松坪度幾灣。椽鞋蹋遍蘚痕斑。野夫乍入金
銀界。禪客多棲大小山。一子何年分月窟。千花終
歲閱柴關。到來祇合聞香坐。不比天高未可攀。

前題

何默

乍見涼飈拂樹頭。幽人何處最宜秋。應知月地雲
階外。不但圍碁賭酒游。鼻觀已知金粟近。騷思欲
向小山求。峰迴徑仄無辭遠。一幘明霞晚未收。

獨釣

朱霞

蕭瑟一潭秋。空天靜不流。偶然來坐石。興到學沉
釣。物色誰青眼。乾坤且敝裘。魚龍莫相訝。吾意在
滄洲。

前題

陸瀛萼

搖拽釣絲斜。魚噴沫作花。柳梢蟬抱葉。蒲底鶩眠
芽。招客整肴榼。啟扉逢麪車。十千渾不惜。延佇足

音賒。

前題

姚廷謙

瀟灑涼漪靜。居然鏡一奩。持竿雖有意。寡取不妨廉。漫帶笭箬去。還憐鬢尾纖。那須飽玉膾。得意始沾沾。

前題

張琳

坐選一拳石。閒垂七尺竿。天高雲葉細。秋淨荻花寒。意在有無際。心從江海寬。空鈎不下餌。莫作羨魚看。

前題

葉愚

漸覺蘋風起。垂綸意可師。新涼宜水石。靜影炯鬚眉。芳餌誰不慕。直鈎空爾為。白龍今豈有。一寸亦鱗鬣。

前題

何默

我本忘形者。虛汀每獨來。竹歌知鳥下。萍動覺魚猜。水淡意相得。山青眼欲迴。何須滿笭箬。所得亦悠哉。

前題

程王臣
魯直

節物入清秋。垂綸興自幽。杳然人跡絕。邈矣水雲流。幾度臨淵羨。非關緣木求。心情魚共樂。濠上續

前遊。

前題

陳貞潛人

頗。愜。垂。竿。意。江。山。面。面。幽。但。驚。風。起。穀。不。羨。月。為。鈎。緇。徒。驚。俗。璜。溪。誰。見。酬。蒼。茫。雲。霧。裏。可。有。異。人。留。

重陽前後二十日

姚培枝

佳。時。畢。竟。在。三。秋。前。後。重。陽。說。勝。遊。自。有。好。風。催。快。侶。何。妨。十。日。恣。淹。留。看。殘。黃。葉。還。添。錦。踏。遍。青。山。更。倚。樓。莫。惜。鶴。糧。因。客。減。忍。教。風。雪。助。離。愁。

前題

張琳

兩。旬。風。景。界。重。陽。晚。桂。猶。開。菊。漸。黃。酒。待。白。衣。花。是。主。詩。迎。紅。葉。句。生。光。新。霜。已。降。鐘。聲。遠。缺。月。徐。圓。雁。影。長。媿。我。廿。年。常。作。客。每。於。此。際。倍。思。鄉。

前題

姚廷謙

詩。人。自。古。愛。重。陽。今。古。佳。名。漫。舉。揚。主。鴈。已。先。賓。鴈。至。菊。花。仍。接。桂。花。香。難。尋。仙。老。三。回。醉。尚。恨。平。原。十。日。忙。一。任。雨。晴。無。不。可。天。公。原。不。妬。清。狂。

前題

葉愚

也。知。天。意。最。矜。秋。肯。向。佳。時。促。勝。遊。青。送。峰。巒。供。遠。目。黃。催。橘。柚。滿。芳。洲。江。風。頻。繞。滕。王。閣。昔。夢。初。

空燕子樓。好把萸漿儲十石。朝朝五斗不須謀。

申浦觀潮

朱霞

雲光晶晶護晴沙。萬鼓東來動地譁。白馬千蹄爭
蹴雪。黃蘆兩岸欲羞花。飛橈不讓馮夷舌。換柁俄
乘博望槎。潮至舟無大小必迎潮而上然後乘潮迴轉更有憑高竒絕處。三更
銀闕浩無涯。

前題

張琳

白氣如虹起素秋。申江八月上潮頭。聲隨鐵馬從
空下。勢鬪魚龍覺地浮。欲把醯雞比河伯。羞教海
蜃化瓊樓。千年却訝東吳境。餘怒鳴夷總未收。

前題

姚培衷

葦白楓丹兩岸平。潮頭突兀望中生。太湖巨浸東
江走。大海洪濤三泖迎。日影低迷浮浪影。篙聲齊
動進船聲。風波我亦年來慣。未許閒鷗狎主盟。

前題

姚廷謙

申江東接海門賒。灑氣千尋走白沙。共道瀛洲銀
作闕。那知河漢月隨槎。慚無賦手揮鏤管。豈有雄
心鬪弩牙。最愛秋容竒絕處。青天低抹鴈行斜。

前題

葉愚

海天萬里碧雲開。蹴起銀濤響似雷。到處欲驚鴻。

鴈陣憑空遙指鳳皇來。丹鳳樓在上洋城東劇憐飛擄隨鷗轉。
不羨浮槎載石迴。薄暮高樓橫鐵笛。擬邀明月共徘徊。

賦得曉鐘

朱奕

長夜殊難曉。鯨鐘忽已鳴。春容雲外韻。清切枕邊聲。
作意催先覺。何心訴不平。應知蓬島外。紅日起三更。

前題

姚培枝

寒齋隣古寺。每聽曉鐘鳴。喚醒三千夢。敲殘百八聲。
歲華從此去。嗔愛可能平。誰解蕭蕭髮。都憑暗

裏更

題簡菴扇頭蘭花茉莉

陸闕南村

幽客本自芳。羞與衆草伍。庶幾雅友來。清風滿庭戶。
纖埃不染筆。簡師合成譜。此為君子交。濃豔安足數。

前題

姚培衷

幽蘭空谷芳。鬢華香閨飾。縱有兩樣心。豈必傷偏側。

前題

朱霞

猗蘭本是幽閒種。素柰爭傳插戴名。若把兩花相

比並夫人婢子劇分明。

前題

張琳

綠雲寒雪點新妝。兩兩何年別越裳。休向風前怨
銷歇。白團影裏。即同鄉。

前題

朱奕

一簇氤氳指下生。摘來宜貼鬢雲輕。幽芳暗麝休
相誚。濃淡何人有定評。

武陵柴禹明寓心求古處堂月下同玉田平

山過訪閒話

朱霞

涼月當空恰二更。虛堂桂子落前榮。高情最愛鄰

園鶴能伴西窓琢句聲。

前題

張琳

風度溪橋葉滿村。愛同鄉客話鄉園。千秋不少承
天興。挂月三更來叩門。

前題

姚培衷

閒同佳客誦南華。竹徑爐紅夜煮茶。話到酒醒忘
去住。滿庭霜月曬銀沙。

前題

姚廷謙

城頭擊柝乍棲鳥。古處堂中聽醉哦。所媿惠連詩
思拙。敢將新句問羊何。

北遊述懷一百韵

陸崑曾

吾生事行役。千里復萬里。少小志汗漫。聚處笑鹿豕。猶記離家時。桐汭省親始。聲華馳南畿。豪傑交燕市。既臨麻源谷。還涉湘江水。梁苑訪故墟。韓祠弔遺址。兩浙數往復。七閩嘗至止。不憚車馬煩。那知歲月駛。忽忽雪蒙頭。悠悠肉銷髀。心期付惘然。足跡幾遍矣。僻彼頰尾魚。潛淵兀自喜。譬彼倦飛鳥。投林懶更徙。得歸甘寂寞。發興覽經史。灌園挾病妻。吟詩攜弱子。匪直薄功名。兼欲埋姓氏。有美判繁劇。邀余商治理。

已亥三月甫歸都門復應昆陵別駕之約

禮羅甲言詞

幣將盛錦綺。一朝感推赤。再拜求望履。情至為奮激。義重無畏憚。案牘雖云蹟。精力頗足恃。私心冀政成。藉手答知己。南徐扼要衝。北闕須才技。

鎮守

員缺 上以地當江海要衝難其人撫臣遴別駕等四員請補

詔下慎其選。孰是稱厥

旨。衆木競向榮。庀材必梓杞。庶草徒滋蔓。采芳必蓀芷。因之列薦剡。此特其嚆矢。慷慨願與偕。黽勉思所俾。惟時秋正中。遲我江之涘。羣峰拱蒼蒼。百川匯瀾瀾。隋堤並轡過。淮陰一舟艤。浩淼亂濁流。麤糲謀邨墅。或秉炬火出。或促雞聲起。霜淒棗隊紅。氣肅楓翻紫。涼燠移節序。景物聳聽視。千樞見

糧艘雙旌逢餉使。國計嗤古先。海運致吳米。籌畫
稍迂闊。勞逸殊倍蓰。吾皇操勝算。神禹堪比擬。
揚柳原隰栽。荻蘆阡陌委。曰以備險工。於焉敵堅
壘。非徒便轉運。抑且達包匭。策蹇從茲進。征途方
未已。界當郟邑分。節向沂濱弭。罄翠甫面迎。岱色
旋背指。歷下標舊蹟。穹碑看竦峙。濟城西北有歷下宗風
碑額為故明滄溟先生
立漁洋諷新編。清文絕塵滓。新城司寇刺漁
陽山人詩行世後先本同
調。流傳繼芳軌。何事屢吹毛。但願三洗髓。今人於王李
每肆譏評
云故山路忽若窮。周道又如砥。古塏參霄漢。舊館尋
尺咫。昔來慰晨夕。今到感生死。先君子晚年客廣川
最久曾亦屢赴州署陟

岵儼猶昨。趨庭倏逾紀。風雨適縱橫。涕淚亦如此。

忍悲聊徘徊。乍寒乏絲枲。况值從者病。重為客中

累。時僕從病
瘡者多瀛海幸停鞭。地主荷倒屣。河間高司馬
留住二日縱

談心兩傾。華屋掌獨抵。異鄉愁聞樂。深夜媿奉匱。

是夕留
飲觀劇懷馨蘭吐花。耐冷菊含蕊。習俗競浮薄。屏棄

等糠粃。此間偶滯留。前程厘翹跂。吾友念遠人。先

春寄短紙。上言久離別。下言長徙倚。今年春遜之公子
寓書與余欲圖晤

簫鼓追秦淮。簡芍憶溱洧。俯仰歷聚散。身世更泰

否。招我特諄諄。報章惟唯唯。跡則間親疎。神不阻

遠邇。亟思前約踐。恐貽輕諾恥。中丞塊林居。諸郎

環鵠埃。把握開胸臆。脫略去翫。嗟哉困鸞鳳。蕭然托棘枳。罄瓶艱斗升。築場尠億秭。廉吏不可為。古訓良有以。聯袂期重陽。剪燈繼殘晷。砂礫騁蹀躞。巒岫循迤邐。舉頭訝修門。移步不半跬。東西馳若驚。雜還衆如螳。耳目并鼻口。煤燼及馬屎。名利真屑屑。齷齪徒爾爾。而我止息處。僻居深巷是。經過少軒蓋。相識有耒耜。闔戶終日夕。守拙忘卑鄙。隨分聽哀榮。入世齊譽毀。冬獮待回鑿。計吏請聖祉。奏對畢公事。檢點具行李。堅白信在我。磨涅總由彼。及時賦歸與。何勞更筮仕。晴郊曳青

鞋。虛室隱烏几。卜宅就素心。問竒徠名士。前溪網銀鱗。後圃植朱柿。殷憂自此祛。康樂誰與比。攬勝論廢興。撫琴辨宮徵。晚食以當肉。一匕傲簞盞。安步以當車。一杖輕駉駉。帝京去雖遙。國恩報可俟。詠歌紀太平。兒孫亦沾被。擾擾鄧穴金。紛紛東山妓。不使疲形神。更自覺清泚。所志非遠大。所享詎僭擬。歸來復歸來。索我巖壑裏。

詠蟹五十四韵

朱霞

貝闕脂膏富。晶宮譜系長。瑩中涵坎德。捍外秉離剛。豈逐腥聞輩。寧隨肉食行。聲名誇酒國。風味遍

江鄉蓼渚根初沒。芟汀葉作涼。望潮楊柳外。問渡
荻蘆旁。漸覺蕭騷響。誰教憲宰裝。川津迷霧結。稔
稻熟雲黃。行直橫何害。中虛踈不妨。無心謀索飽
有課急輸芒。落落漁人舍。翩翩網戶榔。緯蕭多截
路。編竹暗成防。盪浦爭縈繞。搖江勢頡頏。吳人於港
浦間用篙
引小舟沉鐵脚網取之謂之盪浦於江側相
對引兩舟中間施網搖小舟徐行謂之搖江徒勞森甲冑。豈解
慎趨蹌。細雨丹楓岸。濃陰苦竹塘。薄寒侵袂初。微
火射符箴。度險宜乘暗。捐軀為附光。下樓看縛布。
鳴劔漫誇臧。笠澤秋彌盛。高陽興正狂。邨童勤負
籠。爨婦喜提筐。料揀都肥傑。拘囚失跣跟。星眸徒

睥突。銀沫競淋浪。拙豈江湖使。空非僕射腸。那辭
俱入甕。何計免探湯。雋奪江瑤玉。鮮嗤牡蠣房。堆
盤擎瑪瑙。搗末和橙薑。指動來驚坐。涎流想隔牆。
西施還媿乳。內史誤稱肪。拆鬪無遺蛻。虛朽有剩
匡。霜經寧慮毒。時過恐難嘗。悶破霜螯健。愁駈八
足忙。願為公子死。且共麴生荒。別有收藏法。傳來
窈窕娘。微高堪假醋。何胤却須糖。密友經時別。幽
懷積日將。松牕欣剪燭。花嶼快分牀。釘處惟窰磔。
盃行似渴羌。略沾神已旺。細咀肺添香。聞有渠魁
在。居然若屬王。如山高鼻員。闔虎伏披猖。安得吹

毛劍旋櫻切玉銚。鬻分傾百榼。支解醉千場。瑣屑
何多種。尖團各有常。無端奴事蛄。自出姓仍彭。直
可園蔬當。猶叨龍眼方。景純難入賦。陶穀豈能詳。
愛物仁人志。悲生釋氏航。尊罍雖可戀。鼎鑊總堪
傷。辟鬼驚秦俗。遄歸報侍郎。鄒浩扶昇知義俠。托夢
感文章。尤物吁難遠。通靈詎可忘。朋來休數數。急
去莫俵俵。縱傍糟丘葬。多應醉鬼強。歸神星象表。
合並酒旗揚。

前題五十韵

姚培益

吳齋

卦衍坤兼解。材繁斗指庚。披圖呈異象。覽譜悉殊

名郭索爬沙。蛭睢盱豎鶻睛。金形誇矍鑠。寶氣驗
崢嶸。合謚江湖使。還從溟海征。朝魁曾近義。仗鉞
似稱兵。勃宰淤泥劃。嬖跼鐵網嬰。虻蜚成侶伴。瑣
玷任奴倂。紺甲穿萸蓼。蒼筐隱藻苹。揚鬚擁劍直。
噴沫亂珠瑩。涉水微波浪。沿灘寄穴坑。不堪凝霧
汁。差耐帶霜英。逸少詩交唱。誠齋寤忽驚。茶鐺看
沸眼。琴操想行聲。螯黑恣嘲噓。雌黃謾戲評。勞心
釐種類。妙筆画分明。賦語雄文蔚。都亭夢長卿。涎
流饒太守。囊負飽饑僮。入藥煎膠膩。迎門辟瘧貞。
何須三尺貴。已視一州輕。生族東坡惜。風情茂世

并羣矜震澤。產佇輟泖田耕。滋味深秋美。喧轟曠
野橫。葦蕭張曲港。燈火照長更。鬻沸紛承斲。符籙
靜守棚。尖團臍共綻。大小殼俱清。鈎摘窮嵌窟。搜
尋漉濁泓。魚又且莫試。釣舸好同撐。篋籠更番入。
芟蒲貫弗縈。休言鼠可捕。孰說虎能爭。斫雪加餐
勸。為胥徹骨醒。浸芻欣釀秫。出白足春秔。解縛添
春霽。儲尊待鼎烹。流膏黏碧筴。滑髓點青精。腸絕
聞雷懼。陰舍視月盈。招邀來酒國。熟煮闢愁城。只
願苓箸滿。何妨盃盎盛。拍浮呼玉友。剖剝對朱羸。
食忌懸星柿。香分給客橙。驟嘗應喫醋。作貢間塗

錫。醬醢憑常貯。糟醕得早營。支離忙洗手。蒿刈便
和羹。虀脯難登饌。鱸魚免寄情。斂容憐殼鯨。敲腹
愛鏦錚。倘博持螯快。寧嫌夾舌勑。就舩攜蠟副。掛
杖費方兄。旣獲爾公子。能虛彼麴生。肥堅游釜泣。
春霍奏刀鳴。白八書陶穀。黃中表易京。正資十六
輩。頓頓食膨脝。

前題五十韻

姚廷謙

莫以無腸物。風騷不屬伊。千秋沾齒頰。百品失珍
奇。譜系何繁衍。形模遞等差。深潛多伏坎。蘊采却
同離。八足紛騷擾。雙螯競把持。腹寬應比筍。冠大

直如箕。郭索居難穩。趨趨欲傍誰。虛傳星有象。或
夢介而馳。漫恃戈兵利。徒為鼎俎資。流涎宜酒國。
執醜仗罟師。漸覺蘆梢白。還看蓼節萎。溪長水汎
汎。岸轉竹筵筵。細雨燈昏候。清霜月黑時。迎潮爭
蹴躡。觸籜自猖披。密密投珠網。時肯值釣絲。有關
難暗度。越險莫窮追。東下途方遠。西來信有期。橫
行非爾罪。入甕竟何辭。滿市風腥溢。盈筐霧沫滋。
束身方岌岌。乞命總累累。蠢爾誠多種。紛然各朶
頤。稻梁謀自急。江海使何遲。鬪虎誇神勇。加山恣
險巖。虛聲吾未見。量力爾應思。海島魁何在。吳田

種不遺。英彭徒世閱。蛤蚌等頑癡。蛻去尸同解。朋
來毒可疑。心空雷轉畏。盆貯雨寧知。百足扶相似。
千人捏不疲。長卿名太枉。僕射鄙堪譏。漆飲無虛
驗。琴聲訝苦悲。即周誠莫辨。扁鑄最多脂。泣釜那
能赦。調羹孰敢疵。正逢懷舊好。相約倒深卮。匣喜
青銅啟。盤誇赤玉為。光瑩欣拾月。委頓笑逢螭。醢
醬馨香烈。薑橙氣味移。爬搜窮骨髓。決剔到銖錙。
別有瓶罌貯。偏於餽飭宜。紅糟濡汁滓。綠蟻泛淋
漓。酢假微生醋。甘調何胤飴。挑燈忘細雨。把菊對
疎籬。骨醉原無憾。神全詎可訾。紫鱸應避舍。黃雀

定慚羸。食指他時動。饕腸此日怡。晉公徒作画。坡
老合多詩。但得攜螭蚓。何心戀蛤蜊。滿壺傾琥珀。
小琰酌鷓鴣。飽德誠深矣。前言實戲之。聊書五百
字。好當內黃碑。

前題五十韵

徐南溟

並育原無害。推恩貴不偏。自人多嗜慾。於物少安
全。况具橫行性。羣生大澤邊。命名緣巨細。分族最
綿延。列在羲經傳。詳諸爾雅箋。招潮人共見。撥掉
俗爭傳。格鬪渾忘虎。能行肯讓蛇。輸芒疑踐約。擁
劍恍操權。瘡任秦中辟。膠憑善化煎。初嘗得毋誤。

遞進不如前。陶穀南游日。錢昆外補年。生惟坡老
放。怒則趙王遷。細摘涪翁句。閒披魯望篇。宋仁所
戒者。僕射竟同焉。匡績聞吳諺。團尖詢陸佃。龜形
頻入饌。蛛脚慣登筵。因用千般器。潛施百尺淵。隨
堤蘆作箔。截港竹成編。調或一時設。曾還到處懸。
蓼花涼兩岸。楓葉夕陽川。乘興攜筠籠。呼朋蕩板
船。星星波面火。裊裊渡頭煙。採捕安知倦。周防漸
覺虔。笑他偕瑣珞。枉自仗戈鋌。聚衆終何益。迷津
尚不悛。露寒空瑟縮。灘暗復盤旋。夙效飛廉走。今
同考叔顛。轉蓬劉昶隊。冒刃李陵拳。道濟目如炬。

邊韶腹自便。布遭樓下縛。卓待市中燃。險道成俄頃。危機觸萬千。有身俱足患。若輩也堪憐。墮曲開諸麗。豪家擲幾錢。骨清餘骯髒。沫白正淪連。八足誰嫌缺。雙螯競識堅。瘠肥雖易擇。牝牡總難捐。已令投湯火。行看佐豆籩。搗橙芳驟發。入醋旨彌鮮。重突脂膏滑。斑斕色相妍。過門應大嚼。執爨必流涎。湏歎鱸羹薄。兼啣肉食羶。紅蚶寧擅美。綠蠓媿居先。病裏時休失。吟邊期未愆。含黃臨菊圃。斫雪對霜天。口腹情何極。收藏意更專。糟丘殊密邇。酒國忽相連。瓶甕封泥固。鄉村舊製沿。欲陳吳下味。

先召飲中仙。不惜浸淫久。俄驚歲月遒。手持同畢卓。爛醉且高眠。

小春十日醉古處堂歌筵為心求賦

朱霞

素月縈牕菊影偏。清尊華燭弄繁絃。霓裳一曲誰新教。履道閑居白樂天。謝家詩集人人有。紅藥新篇日日添。何必尊前車子伎。方知聲色自然兼。

樂府吳儂擅國工。琵琶腰鼓競春風。傳頭訝許能非俗。一遇才人便不同。

竹肉相宣發妙音。達人於此灑幽襟。不知何故。隨
羅女。五百仙人。失道心。

前題

張琳

紅燈小部簇瓊筵。帽影衣香劇可憐。一字一絲清
似水。玉盤滾得串珠圓。

少年情性未消磨。才到聞歌喚柰何。小小腰肢正
嬌軟。勝他霜柳十分多。

自譜新詞付雪兒。紅牙按處夜遲遲。江南十月鶯
聲巧。喚醒芙蓉正耐思。

醉態如雲思不禁。銷魂坐客有同心。誰言絲竹渾

閒事。聽足東山老翰林。

前題

徐懋績 錫瓚

綠酒紅燈白玉卮。小奚唱徹竹枝詞。笑看天壤真
都大。容得王郎幾許癡。

小戶俄叨酒盞緣。末行翻得謝公憐。東山絲竹藏
來舊。爛醉西風十月天。

前題

柴潮生 禹明

誰將舊事翻新事。譜得眉山絕妙辭。絲竹陶情堪
却老。風流遙想晉羲之。

出谷鶯吭試好歌。腰肢嬌怯轉情多。司空那管愁

腸亂賺得銷魂喚奈何。

題童素文歲寒三友圖

董杏燧

孝標廣絕交。深慨友道替。榮華本乘除。炎涼實可媿。時序無歲寒。何以見節義。童君寫此圖。毋乃亦有為。蒼松奮虬髯。老成棟梁器。猗猗君子竹。挺拔更無二。丰神若梅花。澹宕高人思。動植性雖殊。清擦固同類。屈指山林姿。厠我殆成四。奚須接語言。忘形得真契。枝柯擬一攀。殷勤如把臂。莫嫌梅帶酸。不脫青氈味。莫憚此君直。莫怪松矯異。薄俗太委靡。三友差強意。但恨城市居。囂塵勿能致。聊從

尺幅間。揮灑舒意氣。墨瀋浮暗香。筆走龍蛇勢。縑素含冰霜。晴窓騰沆瀣。幾令紅紫花。褻狎等便嬖。弗使熱客看。圖中朔風厲。

前題

張光謙 介田

大雅不復作。交道真何有。誰堪入畫圖。可以懸座右。獨此高士三。矯矯對窓牖。蒼髯何軒騰。翠篠掃塵垢。老鐵橫其枝。有若蛟龍走。童君工六法。贈我以益友。肅然整冠裳。對之三叩首。果堪託歲寒。何必問誰某。

前題

葉愚

翩翩乘鸞人。矯矯蒼髯叟。更有姑射姿。清絕誠堪
偶。所恨斗室間。不得常相守。童君展霜紈。逸氣排
塵垢。寒齋止半弓。無異神仙數。更攜一卷書。此樂
真不朽。

前題

姚培枝

翩翩翠鳳學梳翎。細束龍髯帶雪青。月下美人憐
久立。一時折取入銅瓶。

童君意氣真瀟灑。三友圖成正歲寒。總為風塵人
物少。拉予同向画中看。

前題

何默

淇上武公宛在。孤山處士翛然。莫道赤松難遇。曾
聞毛女成仙。

素練清風欲起。寒山靜影交參。誰謂此間寥寂。小
齋彌勒同龕。

于野集卷十

青浦王原西亭選

飛鴻堂梅花

姬弘啟

蓬戶清於水。梅花爛似銀。白頭偕老友。青眼得花神。索笑恒吟句。論文不厭貧。何當明月下。話我共三人。

一幅羅浮畫。輕描淡寫中。誰來留粉本。我欲問諸公。昔讓黃荃妙。今推呂紀工。梅花道人在。聲價迥難同。

我與梅俱老。論年若弟兄。我叨數歲長。梅亦七旬

羸春色枝頭意。詩人句裏情。最憐冰雪影。映徹一
瓢清。

憶昔看花侶。年來無幾人。城南吟寂寂。硯北夢頻
頻。今雨猶如舊。風流尚未論。徘徊裙屐畔。回首黯
傷神。

前題

張光謙

高人三徑滿蒿萊。龍馬精神亦壯哉。共羨長庚能
伴月。幾番舊雨欲尋梅。題牋列坐添瓊玖。問字連
朝載酒罍。無那風前飛片片。斜陽欲下更徘徊。

前題

馮敦忠
方山

梅與人俱老。前村儼二龍。近溪添冷淡。比玉賽玲
瓏。疎處頻穿蝶。橫來正引蜂。江南誰可匹。祇見影
千重。

綽約明燈下。婆娑皓月中。乾坤有此樹。日夕走羣
公。密意寧辭醉。題詩媿未工。揚州官舍裏。千載若
為同。

前題

趙宏烈

堂上仙人海鶴姿。堂前玉雪滿橫枝。十年未入春
風坐。千遍曾吟疎影詩。流水小橋傾想處。蒼苔綠
酒醉醒時。花關咫尺非塵世。何幸相隨侍履綦。

前題

徐是做

春光九十半消磨。重向飛鴻堂上過。一樹梅花已如雪。知君不厭客來多。

妻梅自昔有林逋。梅在君家以弟呼。

主人以庚辰年正月梅植於乙未梅去

十有五年故嘗呼梅為弟

白首相依成二老。合教名手繪為圖。

前題

朱霞

飛鴻堂是神仙窟。樹與人皆第一流。歲久倍添花。娥媚春寒轉。覺玉溫柔。客來不惜蒼苔破。心醉非關綠蟻謀。最是紙窗清絕處。一輪明月上梢頭。

前題

范仁霑 春江

問訊梅消息。水南第一枝。比年經久別。此夜正相思。風信偏應早。寒威定較遲。何當衝雪去。快讀老成詩。

前題

張琳

此堂閱歷冰霜久。鐵幹虬枝滿蘚苔。靜繞寒煙通淺渚。平鋪古月夢春臺。難教妙手傳神去。祇費先生覓句來。萬斛幽香千斛酒。一杯笑指一花開。

前題

廖崑暘 麗中

抱甕澆花老益堅。虬龍常護草堂前。冷香散處春風滿。疎影分來皓月懸。自是江南無二本。直教高

士共千年。先生夢到孤山否。除却林逋孰比肩。

前題

葉愚

水南隱處石橋東。冰雪襟懷孰與同。種得梅花如
拗鐵。吟成逸響寄飛鴻。清遊誰共玲瓏月。入坐還
依淡蕩風。絕愛美人高士句。幾回搔首向晴空。

前題

姚翱

飛鴻堂畔梅花放。一度春來一惆悵。積雪凝霜世
莫知。迎風照日神彌旺。孤山羅浮兩寂寞。後來神
韻寧多讓。從來高士宜美人。掩關終日默相向。我
行到此重逡巡。浩歌激烈聲彌壯。鐵笛吹殘莫漫

飛且住。蕭齋共酬唱。

飛鴻堂梅花歌

姚廷謙

吾宗有老仙。自號曰藥翁。藥翁堂前何所有。羅浮
一樹橫晴空。結為老友兩不厭。相視莫逆無言中。
有時靜淪一壺茗。兩腋颯颯生清風。有時孤吟一
首詩。格高韻雋叩玉同。清水橋邊三尺雪。飛鴻叫
處三更月。此時縞袂氅衣人。姑射丰神兩無別。春
風動地香雲浮。我來得與清都遊。示我新詩百回
讀。凜雪肺腑除煩憂。乃知藥翁之號殊有意。人世
膏粱衆爭嗜。豈知世外有藥王。清苦真堪救肥膩。

憑將此語問梅花。花與主人意無二。

荒齋五詠

破窻

徐是做

曲楞缺處補難全。蟲打蜂喧年復年。曉勒酸風依
研北。夕迎孤月宿牀邊。燭因移近添紅淚。爐為憑
虛漏碧煙。却喜遠邨俱入望。客來曾不待奴傳。

前題

焦袁熹 廣期

銀光無分到山扉。十指渾疑綻納衣。衆竅自然驚
老耳。一寒那不凜餘威。裂殘繒帛知多少。戰殺芭
蕉果是非。惟有游蜂迷出處。即時取次向前飛。

前題

姚培仁

蟲叩時聞壁剝聲。依稀白紙舊糊成。條條直透風
攬入。隔隔斜穿日漏明。興至倚吟繡斷簡。客來遮
燭話殘更。玉堂雲霧縱然好。那比山家分外清。

前題

張琳

家無長物任披猖。縱被人窺也不妨。且免蒼蠅鑽
紙格。早邀顧兔上琴牀。花枝弄影當空斷。爐篆因
風轉闕香。若比陶公應較勝。祇堪消受北窻涼。

前題

朱霞

落落風櫺半掩開。茆簷原不受塵埃。暗蟲臍膊依

人住野馬浮游逐隙來已悟虛空無斷續底須雲
霧足徘徊飄蕭莫道無支補綠借芭蕉白借梅

前題

姚廷謙

疎檣敗紙強支持雨雨風風歷歲時但使虛明常
不改何妨規格小參差過墻每患銜蟬入覓寶仍
容螺贏窺最是藜牀清夢覺晴霞先得見朝曦

前題

趙宏烈

破窓經歲紙條條不向華堂羨綺寮每放月痕來
紙帳慣隨風響和芭蕉空明到處誰能掩骨格居
然未肯消莫道秋來太蕭瑟一燈聊伴讀離騷

前題

朱奕

紙窓終歲伴呶唔蠹蝕苔侵不奈何窺卷可能通
脉望移燈相近簇飛蛾竹聲未動涼先覺花氣渾
通喚更和明月好風來往慣不須遮掩仗煙蘿

前題

葉愚

蓬門虛室本蕭然那有文窓護簡編鹿眼略同籬
共映蛛絲添作網堪憐春芳燕侶低相訪曉訝花
枝照獨眠罅隙不須頻補設愛他咫尺近青天

亂石

焦表熹

槐蟻行游歷萬山那知咫尺觸塗躋主人宿有煙

霞想若輩。胡來庭戶間。嫫母幾番應棄擲。瀛王一味是癡頑。慨然欲向胡僧問。良嶽頽來只等閒。

前題

姚培衷

行穿犖确打頭顛。似我胸中壘塊多。山骨豈勞巧匠斲。雲根已散落星渦。丙丁不合牛丞賞。袍笏難邀米老過。料理一莊何日事。空留苔跡與花窠。

前題

姚培枝

庭前亂石懶教除。蘚蝕苔封總晏如。狼質不妨隨地臥。麤材寧是補天餘。點頭何日逢禪伯。結友終年伴索居。不似太行山下路。愁他行李礙車騾。

前題

徐是做

昔人斲斲碧雲根。疊在荒園久尚存。高下險妨饑鶴步。縱橫雜帶古苔痕。不堪作文休迎拜。若令爲徒定解言。最是玉溪能賦物。擬將虎踞與龍蹲。

前題

姚廷謙

參差亂石不成行。犖确常依苔蘚僵。墮地何心同隕宿。何人一叱起羣羊。堅頑料得頭難點。棄擲常甘醜不妨。若悟妍媸原一類。漫從懷袖詫襄陽。

前題

趙宏烈

亂石橫斜一畝宮。無心布置學玲瓏。非羊任臥蒙

茸草似虎奚煩霹靂弓。側足幾番同路險。點頭何
日悟心空。補天能事空傳說。冷眼相看瓦礫同。

前題

朱奕

疊石爲山計已疎。何當拋擲滿庭除。胸中塊壘銷
難盡。世上崎嶇歷正如。蒼蘚經時侵坐處。亂蟲終
日惱閒居。癡頑空向人間老。膚寸成雲總是虛。

危牆

張琳

環堵蕭然遠俗氛。欹傾須避舊曾聞。年深自合生
酸草。闕處應教補白雲。欲隨難將瓜蔓絡。待崩先
見石稜分。綢繆未雨吾何有。不到空山虎豹羣。

前題

朱霞

髣髴猶存亞字形。空圍煙草翳荒庭。蝸行高處涎
留篆。蛇窟移時蛻帶腥。磊落不須愁鬼瞰。周防那
復畏人聽。逃名底事相踰避。冠蓋應知怯此經。

前題

姚培衷

人生何處不危機。歎息巖牆是也非。腰曲一圍同
偃僂。頭銜卅字總依稀。疾風暴雨時滋懼。補蔓牽
蘿力亦微。只有狂枝無管束。儘教縱橫出山扉。

前題

焦袁熹

閉戶居然杞國憂。瀟瀟風雨叫鴝鷓。室家早是人

窺見糞土爭知鬼與讐。活計要防鷄彘夕。夢魂那到竹梧秋。請看滄海橫流日。斷送清談一輩流。

前題

張光謙

貧家那敢戀雕牆。數版還愁風雨妨。野鼠豈堪成窟宅。鄰雞無那縱披猖。半弓欲裂藤猶護。一角先歌草已長。不少旁觀相警戒。深憂幸不在多藏。

前題

姚廷謙

人間何處不危牆。華屋終歸蔓草場。豈憶雕鏤成壯觀。那堪風雨恣披猖。當腰半裂春生穀。缺角斜延月透霜。自喜青氈安穩在。勝他局鏑為多藏。

舊井

朱霞

何年鑿土出虛空。改邑誰思勿幕功。定有丹砂沉絕底。無勞弱羽試迴風。蟾光夜逗寒梧影。雀乳春依苦竹叢。最是青雲堪借潤。欄邊鬢鬢見垂虹。

前題

姚培仁

誰穿二八傍牆陰。仰水飛泉歲月侵。枝老碧梧難障日。汲停修綆久無禽。但容閣閣蛙鳴底。寧復潭潭波涌心。惆悵斷幹殘甃在。半縈蛛網半苔侵。

前題

朱奕

古甃傾頽矮屋邊。寒漿素綆憶當年。穿來未必潛

通脉窺處仍能小見天。一樹梧桐秋自老。幾家爨突。曉無煙。幽貞久絕波瀾意。應任旁人惜棄捐。

前題

胡二樂 象虛

缺甃空庭不記年。涓涓仍復貯寒泉。兔絲蔓衍連蠶網。馬鳥薦綿任蟻旋。暮瓮久忘金索響。晨瓶誰探鏡光圓。品茶鳴漸今何在。空見高梧繞紫煙。

前題

張琳

梧葉陰中石甃殘。一泓清帶古時寒。未逢野叟磨樵斧。常遣頑童探竹竿。海眼暗通元有脉。天風不到總無瀾。貧家本乏銅瓶妓。休種桃花滿井幹。

前題

葉愚

石欄禿缺舊琅玕。髣弗仍存百尺寒。得一人由誰氏鑿。更無禽處有誰看。雙梧窳宰垂陰薄。半李摧殘取潤難。素綆銀瓶君莫羨。泉甘還恐得先乾。

前題

徐是做

休論玉甃與球欄。棄置幾同潦水看。千尺有誰能汲引。一泓自古息波瀾。通潮曾解行人渴。投轄還留醉客歡。坎口從今知勿翬。獨憐此處碧梧殘。

前題

張光謙

寒泉缺甃幾經春。石裂苔封不染塵。可是味甘曾

致竭。須知源遠未遭堙。青天有影。窺孤月。斜領何心。照美人。若使重逢明福日。餘波何惜潤比鄰。

老樹

姚培仁

輪囷離竒。獨自支。猶餘生意發華滋。可憐積雪封霜骨。正值盤根錯節時。建木日中空絕影。靈椿歲久莫嫌遲。從容匠石頻回顧。不是春風桃李姿。

前題

姚廷謙

空庭老樹尚崢嶸。甲子蒼茫歲幾更。共道風霜應已飽。何勞匠石漫相驚。春回仍布如雲葉。午靜時聞啄木聲。材不材間聊寄跡。一枝相蔭有誰爭。

前題

朱霞

參天未遂已槎牙。寂歷空庭飽歲華。偃蹇幾看村社集。婆娑偏愛老夫家。幽禽入腹還生子。旁舍行根欲走蛇。莫道高枝難引援。猷他藤蔓浪垂花。

前題

趙宏烈

老樹蒼茫歷歲華。茅堂偏愛影交加。青青如此春來葉。落落依然海上槎。有夢應通幽處蟻。借栖常噪後歸鴉。高原望斷誰堪擬。喬木從來屬故家。

前題

葉愚

無那風霜飽歷何。故家猶得見婆娑。相依總在不

言處獨對空。憐閱世多。童子拾薪常。睨敲画師摹。本欲添蘿鄰園不少。新枝在。蟬曳殘聲。任別過。

前題

張琳

蟠枝屈榦本天全。一任旁觀計歲年。世外不材今老矣。春回生意故依然。高臨巷陌頻舒望。影入簾櫳亦可憐。更羨一枝容借處。雛鶯留得數聲圓。

楊柳枝

沈德潛 確士

麴塵縷縷颺空潭。野店官橋總不堪。女兒貪縮同心結。只緣春色在江南。

豈是華林金碧叢。依樓自覺惹春風。一樣西川舊

時種。不曾雨露近齊宮。

杏花村中雨連綿。搖颺酒旗斜帶煙。柔條欲折不忍折。留繫吳娘鴨背船。

澹煙憔悴豈堪攀。愁抱江南庾子山。瑟調鑄成新樂府。風前不用唱陽關。

前題

王之醇

一番春色綠成叢。約約輕波細細風。遙想阿摩堤上樹。尚餘青眼望離宮。

三月東風正落綿。鷓鴣嗁雨復啼煙。灞橋多少含情縷。難繫離人欲去船。

前題

姚廷謙

春風幾日拂溪潭。綠上稍頭折未堪。不數人間閒
草木。柳星原自占天南。
一望江皋已斷魂。短長亭畔酒盈尊。何須更折長
條贈。試看輕花不戀根。
廉纖雨過腰應倦。淡蕩風來袖更斜。紫燕黃鸝太
無賴。得清陰處便為家。

前題

宋顧樂

玉才

水驛山村與碧潭。長條可折只何堪。春來是處愁
人路。不獨消魂滿漢南。

三月東風散柳綿。虞城西去綠於煙。一株水廟門
前罩。曾看燒香纜畫船。

風流蘇小可憐同。走馬章臺葉葉風。眼欲窺人眉
欲語。斷腸不獨為樓中。

前題

廖崑暘

近拂朱樓遠拂橋。受人憐惜是柔條。誰家十五輕
盈女。苦向東風學舞腰。

隨風拖水復拖煙。最好江南二月天。怪煞黃鸝再
三語。喚來青眼不成眠。

隄邊轉瞬已成陰。看盡鵝黃碧又深。可憶西陵蘇

小小。搓將細帶。結同心。

笠澤釣艇歌

朱霞

人生不願食肉萬里班。通侯亦不願輕身跨鶴隨浮丘。但願水天深處容一艇。乞與笠澤三萬六千頃。笠澤之水何澂澂。中列七十二峰浮縹青。有時白雲千丈舒。匹練疑是月化九龍偃。蹇來蒼冥高鬟峨峨兩洞庭。仙音飄緲集萬靈。靈旗忽挾風雨至。草木晻。夢流芳馨。綠簑青箬者誰子。片帆來往輕如紙。釣車響處一絲輕。欲釣陵陽白龍魚。服之遊鯉。笠澤有糧殊可餐。采得鳧葵與菰米。笠澤之

菜殊可羹。芹芽能白蓴能紫。笠澤之濱多酒旗。賣魚得錢亦易市。醉橫短槳卧船頭。蕩蕩青天看鴈起。醉爲笠澤夢。醒作笠澤歌。歌長鬚鬢有人聽。輕霞印水生微波。笠澤歌歌欲畢。十丈紅塵奈我何。伴我者誰。月東出。

前題

陸崑曾

太湖三萬六千頃。東南直下支分百。其間大者松陵江。江水洄洑名笠澤。昔年我作松陵客。笠澤曾經挂帆席。菱蔓蓴絲處處生。荷花芰葉家家摘。何來老翁坐篷艇。手把綸竿意閒適。細雨空濛樹罨

翠。晴波激艷。天涵碧。一時光景。繪不得。詩篇欲吐。
嫌格格目。想心存。春復秋空。遣少年。成白頭。金門。
上策。幾見收魚。潛在淵。緣木求作歌。一笑貽朋儔。

前題

姚廷謙

我愛笠澤水。萬頃滄波平若砥。我愛笠澤山。七十
二峰青如鬢。紅塵亘古飛不到。神仙窟宅於其間。
鷓鴣夸遺跡。那可問。扁舟一去空潺湲。掉歌之聲出
渺茫。中有漁父鬚眉蒼。八尺絲綸一竿竹。隨波上
下神揚揚。綠簑青笠裁製古。蓴羹菰飯齒頰香。大
魚鱖與鯉。小魚鱖與魴。我無貪得心。不羨網與綱。

朝乘艇。隨白鳥。出暮歸。艇傍蘆花藏。世情冰炭不
可道。抨彈寧到釣魚郎。洞庭山。消夏處。人生只合
此間住。津口哦。哦。畫鷁船。鼔鼔打鼓何方去。

前題

張琳

笠澤之景天下奇。七十二峰環拱之。蒼茫三萬六
千頃。沐日浴月光離離。雲霞蒸蔚互變幻。金支翠
葆芙蓉旗。風恬浪靜光滉漾。弄珠神女何逶迤。有
時天風忽簸蕩。黃頭三老每驚歎。煙簑雨笠殊悠
然。輸與閒身往來慣。纖纖八尺珊瑚竿。煙外時聞
釣車響。小魚願得襄陽鱖。大魚願得張華餉。寧知

直鈎非羨魚。薄暮收綸一鼓掌。縹緲峰頭日欲斜。
橘洲風起浪生花。欸乃數聲歌一闋。銷夏灣頭浸
涼月。塵埃滿目等悠悠。換得漁翁樂處不翻向。千
秋。嗤。范蠡待攜西子上扁舟。

前題

徐是傲

笠澤水與三江通。遠望不知其所窮。波濤拍天雲
滿空。縹緲在西莫釐東。相連七十二芙蓉。海山突
兀將無同。百千景象盪我胸。往來隈岸推煙篷。一
葉飄蕩如枯蓬。綸竿在手魚在筒。浮家泛宅任所
從。自顧綽有元真風。綠簑青箬坐當中。左侍樵青

右。漁童興起歌嘯驚蛟龍。蘆中人兮氣自雄。有時
往弔鷗夸蹤。倚艇深入煙蒙蒙。神仙此日何難逢。
其樂直可驕王公。

讀周萊峰先生遺集

姚廷謙

清風灑蘭雪。峰泖鍾斯人。方州有遺愛。治行龔黃
倫。獨行不媿影。苦節氣益振。高文陋王李。堅白寧
淄磷。蠹簡雖殘缺。捧誦如瑤珉。有生貴自立。榮華
豈足珍。英靈老不乏。浚來常逡巡。

和平山讀萊峰先生遺集

陸崑曾

吾愛河東集。構局多結密。又愛萊峰作。落想自超

軼兩人。匪同調。千古實儔匹。柳旣窮蒐討。周亦富著述。柳終刺史任。身不怨遺佚。周居觀察時。親不避王室。文學兼吏治。後先若一律。柳以瘁喪生。周以痺致秩。其所尤異者。卒皆四十七。當年相頡頏。唐有昌黎筆。故明各立家。萊峰乃傑出。前人能刺勵。名成在冲質。吾今半百餘。尚守一經帙。理道渺無聞。去日多來日。流覽每環周。忽忽如有失。掩軒兀然坐。寸中深惕怵。

前題

朱霞

古人重志行。未嘗苟彈冠。簪組何足累。恬淡性所

安。卓哉汝南公。我鄉之龍鸞。釋褐嘉靖朝。秉麾效一官。凌競騎瘦馬。冰蘖辭魚餐。義聞播遠近。仁風煦雕殘。泊乎督清源。金堤障狂瀾。言語妙天下。往往追蘇韓。我讀其遺書。浩然起長歎。公壽既不永。公骨久已寒。子孫遂凌替。風流日就緩。不有冰雪文。尚友良亦難。蠹簡半零落。公好誰復敦。俯仰二百年。誰歎興懦頑。

悟生庵與則峰上人閒話

張琳

遠公精舍在。暇日向郊西。長與俗塵謝。能令物論齊。半林清磬出。一塔夕陽低。相顧心相得。勞君過

虎溪。

前題

姚廷謙

精藍無一畝。為覓遠公來。半偈誰參者。偷閒亦快哉。洗花魚。沁影下。食鳥忘猜。莫道塵氛近。青蓮舌底開。

前題

徐南溟

世事日縈擾。偷閒一訪公。門開慈竹下。話永佛香中。妙諦知誰領。真源自古通。會心曾不遠。恍記趙州風。

前題

朱霞

則公體真素。一拂寄天游。但見月生指。何妨屋打頭。藤牀常對塔。錫杖不驚鷗。詩句清如許。機前豈易酬。

喜諸公相過之作

釋性標 則峰

華門終日掩。熱客幾曾敲。雨後得新茗。春深遲故交。蜂稀慵釀蜜。鳩拙不營巢。莫慮歸途晚。銀蟾上柳梢。



